



UNIVERSITÄTS-
BIBLIOTHEK
PADERBORN

Universitätsbibliothek Paderborn

**S. Francisci Xaverii E Societate Iesv Indiarvm Apostoli
Novarvm Epistolarvm Libri Septem**

Francisco <de Javier>

Romæ, 1667

Epistola III. Eidem.

[urn:nbn:de:hbz:466:1-46129](#)

E P I S T O L A III.

E I D E M .

Post superiùs scripta , hæc peculiariter commendanda visa sunt . Ego tibi , Magister Gaspar , Rector Collegij Sanctæ Fidei Goani , mando in virtute Sanctæ Obedientiæ ; ne ex hac Insulâ Goanâ toto triennio exeas : nisi intra hoc spatum trium annorum adveniat huc aliquis ē nostris ritè missus à Generali Præposito universæ Societatis I S S V , cum literis id testantibus , ut ejusdem hujus Collegij regimen capeat . Talis enim simul adfuerit , & tu ei gubernationem hujus Collegij resignaveris , solitus eris hoc meo præcepto , & novo Restore , cui tu , ut alij , suberis , mitten te , poteris liberè proficisci quod is cumque jusserit . Iterum commendo & mando in virtute Sanctæ Obedientiæ omnibus qui per hos Indiarum Tractus me superiorem agnoscent ; ut ijdem obtemperent tibi , Magister Gaspar , & tuæ gubernationi subsint . Ac si quis obedire tibi renuerit , primùm ostendes illi has meas literas quibus



508 S.FRANCISCI XAVERII
bus jubeo: ut quotquot mihi subjecti sunt,
tibi pariter, ut mihi si præsens adessem,
se morigeros & dicto audientes exhibeant,
tum si in contumaciâ perfriterit, eum è
Societate dimissum res sibi habere jubebis
suas. Item commendo & mando in virtu-
te Sanctæ Obedientiæ omnibus & singulis
Societatis IESV meæ potestati commissis, ut
si quis hîc comparuerit à Nostro Patre
Ignatio aut alio Præposito Generali Societi-
atis IESV Rector hujus Collegij delectus, &
ritè institutus, quod ex literis ab eo sub-
scriptis constet, hunc statim universi Su-
periorem legitimum agnoscant, eique se
subjiciant & obtemperent pariter ac præ-
senti mihi. Sin qui id facere detrectave-
rint, rogo & commendo eidem Rectori,
nisi aliud ei Præpositus Generalis mandave-
rit, ut istos inobedientes, è Societate di-
mittat. ut certò constet de meâ in his de-
cernendis plenâ & fixa voluntate, huic char-
te manu propriâ subscripti. Goæ vii. Idus
Aprilis ccccii.

Franciscus.

EPI.

